



CONCELLO DE TOURO (A CORUÑA)

R.E.L. n.º 01150853 – C.I.F. P-1508600-B – MU 2000/196

EXPEDIENTE 2024/G010/000006. PLENO SESIÓN ORDINARIA 9 DE MAIO DE 2024.

ACTA Nº 2024/06

SESIÓN ORDINARIA DO PLENO DA CORPORACIÓN

Lugar: Salón de Plenos da Casa do Concello de Touro

Data: xoves 9 de maio de 2024

Hora de comezo: 21:04 horas

Hora de remate: 22:40 horas

PRESIDE:

ROBERTO CASTRO ROCAMONDE (alcalde-presidente)

ASISTEN:

Concelleiros

Partido Popular (PP)

JESUS JOSE REBOREDO GONZALEZ

REBECA MARÍA CODESIDO BARREIRO

ALFREDO SOUTO CASTELO

ISOLINA SUAREZ MILLAN

MARÍA DEL CARMEN CARREIRA TOJO

Movemento Veciñal de Touro (pMVdeT)

DARIO REY SUAREZ

ANGELICA DOLORES LAMAS LOUZAO

JOSE LUIS RAMOS BARREIRO

Partido Galego (PG)

JESUS MARTINEZ PEREIRA

Bloque Nacionalista Galego (BNG)

XOÁN ANTÓN LOUZAO RODRÍGUEZ

Outras asistencias:

JOSÉ LÓPEZ GONZÁLEZ, Secretario-Interventor.

Constitúese o Pleno da Excelentísima Corporación en sesión ordinaria conforme á convocatoria e segundo a orde do día que se remitiu aos concelleiros coa antelación legalmente requirida.

A continuación procédese a tratar os asuntos establecidos na orde do día.

I PARTE DE ADOPCIÓN DE ACORDOS

- 1 EXPEDIENTE 2024/G010/000005. Pleno do Concello. Sesión ordinaria do 11 de abril de 2024. Aprobación da acta da sesión.

II PARTE DE CONTROL

- 2 EXPEDIENTE 2023/Q002/00001. Despido obxectivo individual 0000939/2023. Dación de conta Sentenza 00116/2024 Xulgado do Social nº 6 de A Coruña.
- 3 EXPEDIENTE 2024/G006/0000108. Decretos da Alcaldía ditados entre o 8 de abril e o 4 de maio de 2024. Toma de razón.

Documento electrónico asinado dixitalmente cuxa integridade garántese mediante cotexo na Sede Electrónica deste Organismo co Código de Verificación Dixital (CVD) especificado á marxe.
(artigo 42.b da Lei 40/2015, de 1 de outubro, de Réxime Xurídico do Sector Público)

4 Mocións

- 4.1. Moción do grupo municipal do BNG para a actualización da páxina web do Concello.
- 4.2. Moción do grupo municipal do BNG de apoio á manifestación contra a planta de celulosa de ALTRI.
- 4.3. Moción do grupo municipal do PP para o “Mantemento dos fondos municipais nas entidades bancarias con oficina aberta no concello”.

5 Rogos e preguntas

I PARTE DE ADOPCIÓN DE ACORDOS

1 EXPEDIENTE 2024/G010/000005. Pleno do Concello. Sesión ordinaria do 11 de abril de 2024. Aprobación da acta da sesión.

ANTECEDENTES

11.04.2024. Sesión do Pleno do Concello.

CONSIDERACIÓNS XURÍDICAS

Real Decreto Lexislativo 781/1986, do 18 de abril, polo que se aproba o texto refundido das disposicións vixentes en materia de réxime local (artigo 50).

Real Decreto 2568/1986, do 28 de novembro, polo que se aproba o Regulamento de organización, funcionamento e réxime xurídico das Entidades Locais (artigos 109 e 110).

PROPOSTA DE ACORDO

PRIMEIRO. Aprobar a acta da sesión ordinaria do Pleno do Concello que tivo lugar o 11 de abril de 2024.

SEGUNDO. Incorporar a dita acta ao Libro de Actas do Pleno do Concello, autorizándoa coa sinatura do secretario da Corporación de maila do alcalde, conforme ao previsto no artigo 113.1 do Real Decreto 2568/1986, do 28 de novembro, polo que se aproba o Regulamento de organización, funcionamento e réxime xurídico das Entidades Locais, en relación co artigo 110 do mesmo texto legal.

INTERVENCÍONS

Non se producen.

VOTACIÓNS

A continuación, procedeuse á votación de aprobación da acta, que resultou aprobada pola unanimidade dos once Concelliros que conforman a Corporación.

II PARTE DE CONTROL

2 EXPEDIENTE 2023/Q002/00001. Despido obxectivo individual 0000939/2023. Dación de conta Sentenza 00116/2024 Xulgado do Social nº 6 de A Coruña.

Dase conta ao Pleno da Sentenza 00116/2024 Xulgado do Social nº 6 de A Coruña de 18 de marzo de 2024, en relación coa demanda presentada por D. Iván Louzao López na que suplicaba se ditásese sentenza pola que se declare a nulidade do despedimento por vulneración da garantía de indemnidade e non discriminación, condenando ao Concello de Touro a readmitir ao actor nas mesmas condicións que tiña antes de producirse o despedimento, con abono dos salarios de trámite, así como a pagarlle unha indemnización por dano moral de 20.000,00 €, ou subsidiariamente, declárese a improcedencia do despedimento e condénese á parte demandada a optar entre readmitir ao demandante no seu posto de traballo con pago dos salarios de trámite que lle corresponden, ou ben abonar a indemnización que legalmente lle corresponde, incrementada en 20000 e que se establece en prudencialmente como indemnización adicional polo abuso e fraudulencia da relación laboral obxecto do despedimento do despedimento.



CONCELLO DE TOURO (A CORUÑA)

R.E.L. n.º 01150853 – C.I.F. P-1508600-B – MU 2000/196

O fallo textual da Sentenza: *Que debo desestimar y desestimo la demanda presentada por D. Iván Louzao López absolviendo al CONCELLO DE TOURO de todas las pretensiones deducidas en su contra.*

3 EXPEDIENTE 2024/G006/000108. Decretos da Alcaldía ditados entre o 8 de abril e o 4 de maio de 2024. Toma de razón.

ANTECEDENTES

Decretos da Alcaldía ditados entre o 8 de abril e o 4 de maio de 2024.

CONSIDERACIÓNS XURÍDICAS

Artigo 42 do Real Decreto 2568/1986, do 28 de novembro, polo que se aproba o Regulamento de organización, funcionamento e réxime xurídico das entidades locais.

Dase conta do resumo sucinto dos Decretos da Alcaldía ditados entre o 8 de abril e o 4 de maio de 2024 e postos en coñecemento dos concelleiros (artigo 42 do Real Decreto 2568/1986, do 28 de novembro, polo que se aproba o Regulamento de organización, funcionamento e réxime xurídico das entidades locais):

PRIMEIRO. O Pleno do concello toma coñecemento sucinto dos Decretos da Alcaldía ditados entre o 8 de abril e o 4 de maio de 2024 (artigo 42 do Real Decreto 2568/1986, do 28 de novembro, polo que se aproba o Regulamento de organización, funcionamento e réxime xurídico das entidades locais):

Nº de Expediente	Asunto	Nº Decreto	Data sinatura
2024/G003/000139	EXPEDIENTE 2024/G010/000005 Pleno sesión ordinaria 11 de abril de 2024. Convocatoria.	128/2024	08-04-2024
2024/G003/000140	EXPEDIENTE 2024/T002/000003. Modificación de créditos: xeración de créditos por ingresos. Subvención mellora infraestruturas turísticas.	129/2024	11-04-2024
2024/G003/000141	EXPEDIENTE 2024/G007/000006. Xunta Goberno Local. Sesión ordinaria do 15 de abril de 2024.	130/2024	12-04-2024
2024/G003/000142	EXPEDIENTE 2024/E001/000002. Proceso selectivo dunha praza de persoal funcionario de administración xeral, Grupo C, Subgrupo C2, Subescala Auxiliar Administrativa, identificado na Relación de Postos de Traballo co número 01.01.00.04, con carácter definitivo a través do procedemento de oposición libre incluída na oferta de emprego público do ano 2021. Lista provisional de admitidos e excluídos	131/2024	15-04-2024
2024/G003/000143	EXPEDIENTE 2024/E001/000003. Proceso selectivo dunha praza de persoal laboral fixo operario de servizos varios, identificado na Relación de Postos de Traballo co número 02.00.00.03, con carácter definitivo a través do procedemento de oposición libre incluída na oferta de emprego público do ano 2023. Lista provisional de admitidos e excluídos	132/2024	15-04-2024
2024/G003/000146	EXPEDIENTE 2024/G006/000087. Adhesión á Política de Sinatura Electrónica da Administración Xeral do Estado.	133/2024	15-04-2024
2024/G003/000145	EXPEDIENTE 2024/G003/000145. Aprobación copagamento persoas usuarias SAF, marzo 2024	134/2024	15-04-2024
2024/G003/000144	EXPEDIENTE 2024/S002/000033. Alta Servizo Axuda no Fogar	135/2024	16-04-2024
2024/G003/000147	EXPEDIENTE 2024/A08/000007. Bases reguladoras da programación da Rede Cultural da Deputación da Coruña para 2024. Solicitude de proposta de programación.	136/2024	16-04-2024
2024/G003/000148	EXPEDIENTE 2024/A08/000025. Solicitude para o uso de instalacións xuvenís para a realización de programas de lecer educativo e tempo libre durante a campaña de verán 2024 (Xunta de Galicia).	137/2024	17-04-2024

Documento electrónico asinado dixitalmente cuxa integridade garántese mediante cotexo na Sede Electrónica deste Organismo co Código de Verificación Dixital (CVD) especificado á marxe.
(artigo 42.b da Lei 40/2015, de 1 de outubro, de Réxime Xurídico do Sector Público)

2024/G003/000153	EXPEDIENTE 2024/G003/000152 Pago IRPF 1ºT-2024.	138/2024	18-04-2024
2024/G003/000152	EXPEDIENTE 2024/V006/000001. Solicitud de renovación da tarxeta de accesibilidade	139/2024	18-04-2024
2024/G003/000149	EXPEDIENTE 2024/G003/000149. Cristina Andújar Garrido. Recoñecemento de produtividade mes de abril.	140/2024	18-04-2024
2024/G003/000150	2024/G003/000150 Horas extraordinarias para incluír na nómina do mes de abril de 2024.	141/2024	18-04-2024
2024/G003/000151	EXPEDIENTE 2024/G003/000151 Decreto quilometraxe e dietas mes de abril de 2024.	142/2024	18-04-2024
2024/G003/000155	EXPEDIENTE 2024/G006/000097. Aprobación e pagamento pólizas de seguro PAI.	143/2024	19-04-2024
2024/G003/000154	EXPEDIENTE 2024/G003/000154. Asistencias por participacións en tribunais ou órganos de selección de persoal.	144/2024	19-04-2024
2024/G003/000156	EXPEDIENTE 2024/T002/000004. Modificación de créditos: xeración de créditos por ingresos. Subvención APROL RURAL 2024.	145/2024	23-04-2024
2024/G003/000157	EXPEDIENTE 2024/E001/000007. Proceso de selección para a contratación de persoal ao abeiro da subvención para o fomento do emprego no medio rural (APROL Rural) 2024. Resolución de Alcaldía aprobación das bases e convocatoria.	146/2024	23-04-2024
2024/G003/000158	EXPEDIENTE: 2024/C009/000002. Adquisición a título oneroso de tres parcelas na contorna do campo da festa de Foxás. Resolución inicio procedemento para a adquisición directa.	147/2024	23-04-2024
2024/G003/000159	EXPEDIENTE 2024/Q002/000002. Recurso Contencioso Administrativo nº 1 A Coruña - Procedemento ordinario 0000099/2024 fronte a expulsión e celebración plenaria celebrada o 9 de novembro de 2023 interposto por D. Jesús José Reboredo González.	148/2024	25-04-2024
2024/G003/000160	EXPEDIENTE 2024/T002/000005. Modificación de créditos: xeración de créditos por ingresos. Financiación de actuacións en materia de recollida de residuos especiais de competencia municipal.	149/2024	25-04-2024
2024/G003/000162	EXPEDIENTE 2024/G006/000107. Aprobación nóminas abril 2024.	150/2024	26-04-2024
2024/G003/000163	EXPEDIENTE 2024/G007/000007. Xunta de Goberno Local. Sesión extraordinaria do 29 de abril de 2024. Convocatoria.	151/2024	26-04-2024
2024/G003/000164	EXPEDIENTE 2024/S002/000032. Solicitud de ampliación de horas do servizo de axuda no fogar.	152/2024	30-04-2024
2024/G003/000167	EXPEDIENTE 2024/D002/000003. Autorización proba deportiva "VII Rallymix Concello de Touro".	153/2024	02-05-2024
2024/G003/000166	EXPEDIENTE 2024/G003/000166 Anulación recibo lixo, por duplicidade exercicio 2023 nº fixo 253000786582 a nome de María Pilar Codesido Barreiro.	154/2024	02-05-2024
2024/G003/000165	EXPEDIENTE 2024/G003/000165 Anulación recibo lixo, por duplicidade exercicio 2023 nº fixo 253000786581 a nome de Ignacio Codesido Barreiro.	155/2024	02-05-2024

O Pleno dase por enterado.

4 MOCIÓN

4.1. MOCIÓN DO GRUPO MUNICIPAL DO BNG PARA A ACTUALIZACIÓN DA PÁXINA WEB DO CONCELLO.

Intervén o voceiro do BNG, Sr. Louzao defendendo a seguinte moción:

Na actualidade unha maioría da poboación utiliza os servizos dixitais, sexan aplicacións, plataformas, páxinas web, etc, como principais canais para informarse. Así mesmo esta dixitalización tamén facilita a comunicación coa administración, razóns que xustifican que estas plataformas dixitais estean actualizadas e sexan accesibles e de fácil manexo para a poboación en xeral.

O concello de Touro conta con unha páxina web que claramente está desfasada, tanto na súa interface, como no deseño e tamén na información que proporciona, claramente insuficiente e moi limitada.

É necesario unha actualización e unha reestructuración deste dominio con un novo deseño para



CONCELLO DE TOURO (A CORUÑA)

R.E.L. n.º 01150853 – C.I.F. P-1508600-B – MU 2000/196

facelo máis atractivo, máis intuitivo, e tamén, en aras a unha maior transparencia, con máis contido e información.

Polo exposto, o Grupo Municipal do Bloque Nacionalista Galego somete a debate e aprobación polo Pleno esta moción, propondo a adopción do seguinte

ACORDO:

1. O concello de Touro procederá a renovación da súa páxina web que, en todo caso, debe incluír unha actualización e modernización do seu deseño, unha interface máis atractiva e con ampliación e actualización continua da información e dos contidos da mesma.

INTERVENCIÓNS

Intervén Xoa Antón Louzao Rodríguez, BNG, dicindo ademais que vota de menos información como as declaracións de bens dos membros da Corporación, esperemos que si se acepta esta proposta de actualización e modernización se inclúa esta información xunto con outra máis actualizada.

O Voceiro do PP, Sr. Reboredo, di que están de acordo con esta moción sobre todo coa actualización dos contidos, non anterior contrato a actualización debería correr por conta do Concello, por carencias non se fixo e totalmente de acordo que debería sacarse por concurso tanto o deseño e confección dunha nova páxina incluso coma a xestión dos contidos para mantela actualizada continuamente.

O Alcalde di que dende o grupo de goberno son conscientes e sabedores desta situación, pero aproveitando porque ao o mellor o grupo propoñente seguramente non o sabe, sen que isto serva de escusa paro para contextualizar cal é a situación. Coñecemos perfectamente a necesidade e coincidimos coa demanda. Cando chegamos a o goberno atopámonos cunha empresa que se chama EVELB que emitía facturas por servizos ao Concello, aparentemente periódicos, víñase dano dende tempos case inmemoriais, todo isto, sen contrato, non consta que esta empresa tivese nunca contrato de mantemento nin da web nin das infraestruturas informáticas. O máis grave que todo isto, é que o Concello non estaba en posesión das claves de acceso que permitisen administrar na súa totalidades a web e incluso a infraestrutura informática. A cuestión chegou a tal gravidade, que se negou a facilitalas ao Concello incluso ao día de hoxe, por iso o concello nunca tivo posibilidade de acometer esas actualizacións, mediou o departamento de ciberseguridade da Deputación para certas cuestións como a migracións de certos servizos sendo necesarias certas claves que esta empresa se negou a facilitar sistematicamente. Dicar que aínda que o propietario dos dominios é o Concello, estes dominios están aloxados en dinahosting, foron contratados a través dun partnet que se chama EVELB, aínda que é o propietario dos dominios é o Concello, as claves tivoas secuestradas EVELB, non foi posible que se lle facilitaran as claves nin a ciberseguridade da Deputación nin ao Concello; de feito estivemos en risco de ter que pechar a sede electrónica, logo resolveuse pola Deputación a través dun provedor de certificados. O pasado venres recibimos a noticia de que ciberseguridade da Deputación accedeu ás claves a través da asociación.gal, asociación que é a promotora dos dominios.gal e conseguiu que Dinahosting recoñecese o dereito lexítimo do Concello no acceso ás claves, polo tanto temos eses datos, podemos acometer esas actualizacións e melloras.

Repito, non serve de escusa senón para contextualizar a situación de chantaxe e extorsión que exercen certas empresas sobre o Concello, porque mediando persoal de ciberseguridade da Deputación, persoal da empresa xustificaba a non entrega das claves ao concello en que o Concello debía certas facturas á empresa, o concello non debía nin debe porque se rexeitaron ao non xustificar a empresa a súa realización, facturas que nada tiñan que ver cos servizos web, o concello estivo sempre ao corrente no pagamento dos dominios, agora mesmo nos desfixemos deste intermediario, e o concello é o cliente directo de Dinahosting.

O Sr. Louzao di que supón que isto foi así como vostede conta.

O Alcalde di que hai datos escritos.

Intervén de novo o voceiro do BNG, Sr. Louzao en que non vale dicir que a herencia sería moi letal, levamos xa dez meses co novo goberno, son propostas feitas en positivo, espero que deixen de falar da herencia e alégrome moito de que se solucionara.

O Sr. Alcalde di que por puntualizar nin é escusa nin fixen mención á herencia senón que a pretensión é facer público, e aproveitar esta cuestión, as prácticas desta empresa .

VOTACIÓNS:

Procédese a votación da aprobación da referida moción, resultando aprobada pola unanimidade dos once concelleiros que asisten á sesión, sendo este o número legal de membros que conforman a Corporación.

4.2. MOCIÓN DO GRUPO MUNICIPAL DO BNG DE APOIO Á MANIFESTACIÓN CONTRA A PLANTA DE CELULOSA DE ALTRI.

Intervén o voceiro do BNG, Sr. Louzao defendendo a seguinte moción:

Exposición de motivos:

1. A empresa portuguesa Altri promove a construción dunha macrofactoría de produción de pasta de celulosa no concello de Palas de Rei. Este proxecto tramitouse con absoluta falta de transparencia e con enganoso, xa que durante máis de dous anos publicitouse unha factoría circular de fibras téxtiles e finalmente sóubose que o obxectivo principal será a produción de pasta de celulosa soluble, destinada preferentemente á exportación.

2. Estamos diante dunha actividade industrial nin nada sostible nin moito menos circular, que terá un fortísimos impactos no territorio, no ambiente, no patrimonio cultural, nas actividades socioeconómicas, no río Ulla, na ría de Arousa e no modelo forestal:

-Terá un impacto territorial e paisaxístico enorme polas dimensións xigantescas da factoría, que ten unha poligonal de 366 hectáreas, que prevé explanar, pavimentar e ocupar case un millón e medio de metros cadrados con diversas instalacións industriais contaminantes e unha cheminea de 75 m de altura, e que afectará directa e negativamente a numerosos concellos da contorna, ademais de Palas, como é o noso concello.

-Terá un impacto ambiental crítico nunha zona que foi proposta para a ampliación da Rede Natura 2000 e que alberga hábitats e especies de grande valor ambiental e que están en risco de extinción. As emisións de gases contaminantes tamén terá unha incidencia prexudicial na saúde, no uso residencial e na calidade e aproveitamento dos solos nunha ampla zona circundante.

-Terá un impacto fortísimo no ámbito de protección do BIC Camiño de Santiago e noutros bens culturais da contorna.

-Prevé un consumo de grandes cantidades de auga procedentes do río Ulla e o vertido dun voluminoso caudal de augas sometidas a depuración industrial máis contaminantes, que incidirán negativamente na calidade das augas, na biodiversidade e na produtividade tanto do río Ulla como da ría de Arousa. Impacto moi grave que afectará especialmente ao río Ulla no seu paso polo concello de Touro

-Vai ter un impacto negativo nas actividades económicas e no emprego na contorna, o que non compensa en absoluto os supostos beneficios da nova actividade industrial ademai de condicionar de maneira decisiva a política forestal, incrementando a eucaliptización e afectando aos equilibrios, á biodiversidade e ás cadeas de valor da industria forestal galega.

3. A afección deste proxecto vai máis alá dos concellos da contorna, do río Ulla e da ría de Arousa. É un proxecto que atenta contra os intereses xerais de Galiza. Estamos diante dun exemplo de libro de industria de enclave e de espolio colonial dos recursos naturais do noso país, na repetición do modelo de implantación da celulosa de ENCE na ría de Pontevedra: dispoñibilidade de solo barato, dispoñibilidade de eucalipto a grande escala e a prezos baixos, primeira transformación con escaso valor engadido, e destino principal á exportación sen peche de ciclos.

En realidade, a orixe e implantación deste proxecto ten que ver coa moratoria ao eucalipto en Portugal e ao interese da empresa promotora por dispoñer de grandes cantidades de madeira de



CONCELLO DE TOURO (A CORUÑA)

R.E.L. n.º 01150853 – C.I.F. P-1508600-B – MU 2000/196

eucalipto e entrar no lucrativo mercado da produción e comercialización de pasta de celulosa destinada á produción de fibras téxtiles.

4. O rexeitamento a este proxecto levou a que se presentaran, durante o período de exposición pública, miles de alegacións demandando á Xunta de Galicia que informe negativamente o proxecto e que se convoque unha manifestación para o próximo domingo día 26 de maio no concello de Palas contra a instalación desta planta de celulosa.

Polo exposto, o Grupo Municipal do Bloque Nacionalista Galego somete a debate e aprobación polo Pleno esta moción, propondo a adopción do seguinte

ACORDO:

- 1. O concello de Touro apoia a manifestación que se celebrará o próximo 26 de maio en Palas de Rei contra o macrocomplexo industrial contaminante de Altri..*
- 2. Así mesmo, anima a toda a veciñanza a que participe na mesma e realizará as xestións necesarias para fletar un autobús para todos os veciños e veciñas que queiran asistir á mesma.*

INTERVENCIÓNS

Intervén Xoan Antón Louzao Rodríguez, BNG, recorda que xa trouxeran dúas mocións ao respecto e para recordar rapidamente trátase dun proxecto que foi falseado, cun impacto enorme sobre o territorio, sobre o patrimonio natural e sobre todo sobre a auga que é o que máis nos afecta, e non menos importante a presión sobre o aumento da eucaliptización deste país, o problema é o monocultivo desta especie sacando terreos de cultivos agrícolas. Trátase dun problema moi serio, pedimos que se apoie esta manifestación, onde houbo máis de vinte mil alegacións presentadas ao proxecto e un rexeitamento social moi claro, non só animando a veciñanza a participar na manifestación senón que se fagan as xestións se hai demanda suficiente para fletar un autobús por parte do Concello para que podan asistir o 26 de maio á manifestación que se vai levar a cabo en Palas de Rei.

O Voceiro do PP, Sr. Reboredo, di que no pleno en que se presentou a moción para presentar alegacións estabamos de acordo para presentar alegacións de tipo técnico de mellora do proxecto, das medidas correctoras necesarias, no pasado pleno se trouxo unhas alegacións e votamos en contra porque era unha emenda a totalidade do proxecto, por iso non estamos a favor de apoiar esta manifestación por ese motivo, pensamos que se o proxecto cumpre a normativa sectorial en vigor, a Xunta terá que aprobala, tamén unha cuestión política, respecto do tecido socioeconómico pensamos que é positivo e no tema do eucalipto o tratamento fariase aquí cando agora se está exportando máis do 50 %, non vai haber máis eucaliptos porque se poña ALTRI ou non, hai eucalipto porque é rentable para propietario forestal non porque haxa ou non unha nova celulosa. Por coherencia non imos amosar o noso apoio á manifestación.

O Sr. Alcalde di que por parte dos grupos de goberno estamos a favor da moción.

No segundo turno de palabra o voceiro do BNG, Sr. Louzao di que xa falamos deste tema noutros plenos, o BNG e o PP teñen posturas totalmente opostas, pero só recordarlle dúas cousas, cando se fala de que se exporta o 50 % do eucalipto, porque se faga ALTRI non quere dicir que outras empresas vaian seguir usando o eucalipto, non é unha fábrica de substitución; segunda cuestión respecto de pechar o ciclo produtivo non é certo tivo que cambiar a solicitude de subvención porque non pechaba o ciclo como xa dixeran o outro día. Terceira unha das razóns que explica porque unha empresa portuguesa de celulosa pretende implantarse en Galicia é porque en Portugal hai unha moratoria da plantación de eucalipto dende que houbera os famosos incendios hai uns anos. Para finalizar claro que ten que haber unha declaración de impacto negativa, pero o argumento que está utilizando o PP é o mesmo argumento que empregou coa mina de Touro, as decisións técnicas si,

pero as decisións políticas tamén pesan moito.

O voceiro do PP, Sr. Reboredo González, no segundo turno de intervención, di que non merece a pena seguir polemizando, no tema da mina rexeitouse a autorización ambiental porque non cumpría os requisitos e se este proxecto tampouco os cumpre volverán a rexeitalo, pero se os cumpre non o poderán rexeitar porque incorrerían en prevaricación, outra cuestión distinta é se a normativa en vigor é ou non suficiente. Nos tamén somos sensible ao tema da auga loxicamente, incrementarase os vertidos pero ao igual que outras industrias dos polígonos, se cumpren a normativa non hai máis alternativa que aprobalos.

En canto ao tema de economía circular, se ese eucalipto se trata aquí en parte si pechan o círculo.

Outro tema que se fala é o da famosa biocel que cando exista demanda suficiente esa pasta destinarse a esa fibra textil.

Consideramos que dende o punto de vista socioeconómico é positivo para a zona, para a comarca e para os produtores forestais e dende un punto de vista administrativo xa se verá se cumpre ou non cumpre.

VOTACIÓNS:

Procédese a votación da aprobación da referida moción, resultando aprobada pola maioría absoluta por seis votos a favor (catro Concelleiros de MVXT, un do PG e un do BNG) polos cinco votos en contra dos Concelleiros do PP, sendo once o número legal de membros que conforman a Corporación.

4.3. MOCIÓN DO GRUPO MUNICIPAL DO PP PARA O “MANTEMENTO DOS FONDOS MUNICIPAIS NAS ENTIDADES BANCARIAS CON OFICINA ABERTA NO CONCELLO”.

Intervén Jesús Reboredo, voceiro do PP, facendo unha exposición dos motivos da presentación e defensa da seguinte moción:

Moción para o “Mantemento dos fondos municipais nas entidades bancarias con oficina aberta no concello”, que presenta o grupo municipal do Partido Popular, conforme ao previsto no Real Decreto 2568/1986, do 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais, para a súa inclusión na orde do día do pleno ordinario do 9 de maio de 2024:

EXPOSICIÓN DE MOTIVOS

Por resolución da Alcaldía de data 2 de abril de 2024, acordouse a apertura dunha “Conta corrente Administracións Públicas” no Banco Sabadell, coas seguintes condicións:

- Remuneración conta corrente: 2,25% TAE*
- Saldo mínimo en conta: 1.500.000 €*

No pleno do pasado día 11 de abril, o grupo popular preguntou en que sucursal do Sabadell se abrixa a conta, dato que se omitira intencionadamente na citada resolución, posto que non ten xustificación levar os fondos municipais a unha sucursal do Sabadell en Bertamiráns, por certo unha entidade que cerrou todas as súas oficinas na contorna de Touro (O Pino e Arzúa).

O Alcalde tratou de xustificar esta deslocalización dos fondos do Concello en base a unha suposta maior rendibilidade financeira da nova conta aberta en Bertamiráns, sen explicar porqué só se negocio co Sabadell e que condicións lle ofertara a Oficina de Abanca en Touro. Xustificaba a apertura da nova conta en que durante os últimos anos Abanca non pagara intereses polos depósitos municipais, atribuíndoo a unha mala xestión do goberno anterior, cando a realidade é que Abanca non pagou intereses durante os máis de 6 anos en que o Euribor estivo en negativo. Non pagaba intereses Abanca nin as demais entidades financeiras e, en todo caso, o que debería facerse desde a Alcaldía era negociar coa Oficina de Touro unha retribución razoable conforme ás condicións do mercado bancario.

Non ten sentido que se destinen os fondos municipais a promocionar unha entidade bancaria en Bertamiráns, en detrimento da Oficina de Abanca de Touro, único banco que permanece no Concello prestando servizos aos veciños de Touro, e menos nunhas condicións que obrigan a manter cautivo un saldo de 1.500.000 euros, obrigando ao Concello a seguir realizando a totalidade das operacións



CONCELLO DE TOURO (A CORUÑA)

R.E.L. n.º 01150853 – C.I.F. P-1508600-B – MU 2000/196

con terceiros a través da Oficina de Abanca, xa que os veciños, as empresas e os profesionais de Touro non van abrir contas en Bertamiráns.

Aparte de carecer de todo fundamento, tanto desde o punto de vista económico como social, a apertura da nova conta no Sabadell de Bertamiráns fíxose prescindindo total e absolutamente do procedemento establecido, posto que se trata dun contrato privado de servizos, regulado no artigo 25.1.a.1º) da Lei 9/2017, de contratos do sector público, que conforme ao previsto no artigo 26.2 da citada Lei deberá axustarse en canto a súa preparación e adxudicación ao establecido nos Libros I e II da repetida Lei.

PROPOSTA DE ACORDO:

Cancelar a conta aberta no Banco Sabadell de Bertamiráns e restituir os fondos municipais ás contas do Concello na Oficina de Abanca de Touro, negociando unha retribución dos mesmos acorde coas condicións do mercado bancario.

INTERVENCIÓNS:

O Sr. Reboredo, voceiro do PP, di qque no Pleno pasado preguntabamos sobre o Decreto de apertura dunha conta bancaria no Sabadell, en que oficina se abrira, porque na resolución de alcaldía non aparecía como se iso non fose unha cuestión importante, entendo que era unha cuestión de mala conciencia, porque é dificilmente explicable para os veciños de Touro que os fondos municipais se leven a Bertamiráns, a unha entidade bancaria que pechou todas as oficinas na contorna e na comarca, xa só por iso vemos viciada esa resolución.

Dende o punto de vista administrativo pensamos que esa resolución é nula, porque se fixo prescindindo totalmente do procedemento establecido na lei de contratos para este tipo de contrato privado; e dende o punto de vista político, o alcalde tratou de xustificalo anticipándose xa as circunstancias, as consecuencias, da rentabilidade financeira da operación, o Concello ía obter uns ingresos e unha rentabilidade moio máis grande que a que lle ofrecía a ofcina de Abanca e para iso utilizou como sempre con medias verdades, por exemplo Abanca non pagou intereses por remuneración da conta dende o ano 2015 por unha razón sencilla, as entidades bancarias, co Euribor en negativo non retribuían intereses nin a institucións nin a particulares; ata o 2022 non entrou o Euribor en positivo, a partir desa data si se podía haber xestionado, recuperado a remuneración da conta. Por outro lado tampouco é certo, que o Concello saxa beneficiado financeiramente, porque non se lle dou a oportunidade a Abanca de igualar esa oferta ou incluso de melloralala, non se entende que se esté promocionando unha entidade bancaria, deslocalizando os fondos, contra a única entidade bancaria con oficina no Concello que presta servizos, seguro que non ser causa de peche da oficina esta operación pero si pode contribuir a medio prazo ao peche da oficina, debería ser o Concello o primeiro interesado en manter a oficina en Touro, sinceramente a vista do tema non vexo outra utilidade nesta operación que os intereses que poda ter o sr. alcalde, porque os veciños de Touro non ganan nada e gustaríame que o alcalde dixera se el é cliente do Sabadell en Bertamiráns porque podería ser outra das explicacións, carece de sentido, teñen que facer un esforzo de cancelar esa conta porque non vexo que sexa explicable para os veciños, a oportunidade política deses fondos tan elevados podemos discutilo noutro momento, pero non ten sentido levar os fondos municipais a Bertamiráns.

O Sr. Alcalde di que non é cliente do Banco Sabadell nin en Bertamiráns nin noutro lado e cita as entidades onde é cliente, constando na súa declaración de bens que é pública e está colgada na web a través do portelo da Deputación, e está a disposición de calquera veciño que o considere.

Empezando polo final do seu escrito, dixo vostede que era nula porque non se seguira o procedemento establecido, a vista diso solicitei un informe ao secretario-interventor ao respecto, entregando dito informe co seguinte contido

ASUNTO: Informe xurídico.

En cumprimento do establecido no artigo 3.3 a) do Real Decreto 128/2018, de 16 de marzo, polo que se regula o réxime xurídico dos funcionarios de administración local con habilitación de carácter nacional, vista a solicitude de informe realizada o 8 de maio de 2024 polo Presidente da Corporación en relación á moción presentada o 4 de maio de 2024 polo Concelleiro do Grupo Municipal do Partido Popular relativa ao "Mantemento dos fondos municipais nas entidades bancarias con oficina aberta no concello" a tratar no Pleno da Corporación convocado para o vindeiro xoves 9 de maio de 2024, emito o seguinte informe:

1.- ANTECEDENTES

1. Por medio de Decreto de Alcaldía nº 122 de data 2 de abril de 2024 procedeuse a aperturar unha "Conta corrente Administracións Públicas" coa entidade bancaria SabadellGallego marca rexistrada de Banco de Sabadell, S.A. con N.I.F. A08000143, coas seguintes condicións:

- Remuneración conta corrente: 2,25% TAE pola totalidade do saldo en conta
- Saldo mínimo en conta corrente: 1.500.000 €
- Comisión mantemento e administración: Exento
- Comisión transferencias: Exento
- Comisións emisión e devolución recibos: Exento
- Comisión emisión certificados: Exento

2. En data 4 de maio de 2024 preséntase polo Concelleiro do Grupo Municipal do Partido Popular moción a tratar no Pleno da Corporación convocado para o vindeiro xoves 9 de maio de 2024, onde se sostén que debe procederse a cancelar a conta aberta no Banco Sabadell de Bertamiráns tendo en conta que se prescindiu do procedemento de contratación correspondente e previsto na Lei 9/2017, de Contratos do Sector Público.

2.- NORMATIVA DE APLICACIÓN.

- Lei 9/2017, do 8 de novembro, de Contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014, (en adiante LCSP).

- Real Decreto 1098/2001, do 12 de outubro, polo que se aproba ou Regulamento xeral da Lei de Contratos das Administracións Públicas.

- Lei 39/2015, do 1 de outubro, do Procedemento Administrativo Común das Administracións Públicas.

- Lei 40/2015, do 1 de outubro, de Réxime Xurídico do Sector Público.

3.- CONSIDERACIÓNS XURÍDICAS.

Primeiro. Debemos sinalar que será de aplicación o establecido no artigo 26.2 da LCSP, cando dispón o seguinte:

"Os contratos privados que celebren as Administracións Públicas rexeranse, en canto á súa preparación e adxudicación, en defecto de normas específicas, polas Seccións 1.^a e 2.^a do Capítulo I do Título I do Libro Segundo da presente Lei con carácter xeral, e polas súas disposicións de desenvolvemento, aplicándose supletoriamente as restantes normas de dereito administrativo ou, no seu caso, as normas de dereito privado, segundo corresponda por razón do suxeito ou entidade contratante. No que respecta a o seu efectos, modificación e extinción, estes contratos rexeranse polo dereito privado.

Non obstante o establecido no parágrafo anterior, aos contratos mencionados nos números 1.º e 2.º da letra a) do apartado primeiro do artigo anterior, resultaranlles de aplicación, ademais do Libro Primeiro da presente Lei, o Libro Segundo da mesma en canto á súa preparación e adxudicación. En canto aos seus efectos e extinción seranlles aplicables as normas de dereito privado, salvo o establecido nos artigos desta Lei relativos ás condicións especiais de execución, modificación, cesión, subcontratación e resolución dos contratos."

Entre as normas aplicables á adxudicación destes contratos atópase o artigo 131 da LCSP que, no que aquí interesa, sinala o seguinte:



CONCELLO DE TOURO (A CORUÑA)

R.E.L. n.º 01150853 – C.I.F. P-1508600-B – MU 2000/196

“1. Os contratos que celebren as Administracións Públicas adxudicaranse conforme as normas da presente sección.

2. A adxudicación realizarase, ordinariamente utilizando unha pluralidade de criterios de adxudicación baseados no principio de mellor relación calidade-prezo, e utilizando o procedemento aberto ou o procedemento restrinxido.”

Agora ben, debemos destacar que **neste caso entendemos que a apertura de conta bancaria non ten custo algún para a entidade local.** E debe terse presente o disposto no artigo 2.1 da Lei 9/2017, do 8 de novembro, de Contratos do Sector Público, cando dispón que “son contratos do sector público e, en consecuencia, están sometidos á presente Lei na forma e termos previstos na mesma, os contratos onerosos, calquera que sexa a súa natureza xurídica, que celebren as entidades enumeradas no artigo 3. Entenderase que un contrato ten carácter oneroso nos casos en que o contratista obteña algún tipo de beneficio económico, xa sexa de forma directa ou indirecta.”

Coa apertura da conta corrente O Concello vai recibir un tipo de interese polo depósito, non se dá o requisito da onerosidade, por tanto, non sería aplicable a LCSP.

Redundando no manifestado, na Biblioteca Xurídica Dixital da Axencia Estatal do Boletín Oficial do Estado (Ministerio da Presidencia, Xustiza e Relación coas Cortes) consta a publicación no ano 2018 do traballo realizado polos profesores do Master de Xestión de Contratos do IUGM/UNED, Doutores en Dereito, Álvaro Canles Gil e Xusto Alberto Huerta Barallas “Comentarios a la Ley 9/2017, de Contratos del Sector Público” que na páxina 69 e 70 relativa a NEGOCIOS JURÍDICOS Y CONTRATOS EXCLUIDOS EN EL ÁMBITO FINANCIERO establece de xeito textual o seguinte: “**Por último señalar que los contratos de cuenta corriente bancaria suscritos por los entes, organismos o entidades del sector público en general, y por los entes locales en particular, al estar excluidos de la LCSP tienen naturaleza de contratos de servicios privados cuya adjudicación y preparación se rige por sus normas específicas, en su defecto por la LCSP.**”

Segundo. O artigo 199.2 do Real Decreto Lexislativo 2/2004, do 5 de marzo, polo que se aproba o texto refundido da Lei Reguladora das Facendas Locais, dispón que as entidades locais poderán rendibilizar os seus excedentes temporais de tesourería mediante investimentos que reúnan as condicións de liquidez e seguridade.

Por tanto, o primeiro que debe ter en conta son estas dúas condicións:

- Seguridade, no sentido de que o depósito debe realizarse nunha entidade solvente, e que se exclúa as posibilidades de perda.

- E o de liquidez, polo que o prazo fixo debe ser coa condición de que, en caso de necesidade de liquidez, poida dispoñerse de todo ou parte deses fondos sen penalización.

No presente caso cúmprense ambos requisitos polo que entendemos que non se vulnerou procedemento algún da LCSP ao estar excluído do seu ámbito por non ter carácter oneroso á vista das condicións descritas nos antecedentes.

Terceiro. A Resolución R/545/2017 do Consello de Transparencia e Bo Goberno do 14 de marzo de 2018 conclúe que, “7. De todas as normas precitadas pode concluírse o seguinte:

- A CNMC é un suxeito obrigado pola LTAIBG, desde o punto de vista subxectivo.

- Ten patrimonio propio, distinto do da Administración Xeral do Estado, do que forman parte as súas contas correntes.

- **O contrato de conta corrente é un contrato privado, non suxeito á Lei de Contratos do Sector Público.**”

4.- CONCLUSIÓNS.

Do referido nas consideracións xurídicas, o contrato de conta corrente ten natureza de contrato privado, non suxeito e polo tanto excluído da Lei de Contratos do Sector Público.

Este é o meu informe, que someto a calquera outro mellor fundado dereito, no obstante órgano competente decidirá o que estime pertinente.

Os plenos son interesantes para vostede, a parte de cobrar, ven aquí e sale aprendido máis que se fora a unha academia, dende esa perspectiva creo que cando menos se non quere seguir facendo o ridículo cando menos debería retirar a moción e entre outras cuestións, invade competencias que non son do Pleno.

Non lle interesou ter o contrato porque non o solicitou, interesoulle máis vir aquí cun relato que non sei se llo fabricou Abanca como se fose vostede o seu comercial, pero que está lonxe da verdade en todos os aspectos, non pediu o contrato da conta bancaria do Sabadell, pero é unha lástima que non o vira, e fala de oído.

Realiza unha primeira chamada ao orde ao Sr. Reboredo González por interromper.

Se pedira o contrato sabería as condicións para que se remunerase o tipo do 2,25 % TAE naqueles días nos que o saldo sea superior a un millón e medio de euros, o saldo os días que sexa inferior a remuneración será menor, a dispoñibilidade é total e inmediata, esta falacia que di vostede de que hai que ter cautivo un millón e medio de euros, pois non, eso eran as preferentes, non é o caso disto.

Fala de que Abanca nos pagou os últimos seis anos; os datos que me da a min a Abanca é que non pagou intereses nos últimos dez anos, non se sabe se nalgún momento o Concelleiro percibiu algún céntimo por intereses, o dato que teño é que Abanca nunca ata o 1 de abril de 20224, ata ese día nunca se remunerou os fondos do Concello, dato facilitado por Abanca.

Di vostede que este Alcalde nunca negociou con Abanca, creo que escoitou a medias a exposición do pleno anterior, este alcalde negociou con Abanca alo menos en tres ocasións de xito presencial, entre as cuestións que le plantexou a Abanca ante a negativa a remunerar a suprimir as comisións e que tivese unha colaboración social no concello, pediulle que pagase os gastos de desprazamento do equipo de fútbol feminino como colaboración social e a día de hoxe non fixo amago sequera de colaborar nesa cuestión, o que si ofreceu Abanca é cederlle por un aluguer algo así como módico aquel local, aquel zulo que hai nos baixos na parte de aras da entidade, cederllo para uso do concello cun aluguer testimonial de cen euros ao mes. Eso foi todo o que quixo colaborar Abanca con este Concello dende que eu son alcalde, antes diso repito intereses cero.

Este Alcalde ten a porta aberta a todos os provedores, e un comercial do Banco Sabadell sen chamalo, fixo unha proposta de 2,25 TAE e sen comisións, ante esa comparativa entre Abanca e o Sabadell, este alcalde toma a decisión de abrir a conta no Banco Sabadell e por cortesía chamei a Abanca Touro e a persoa que me colleu o teléfono cando lle dixen de remunerar a conta, sooulle a chino e ante o silencio pedínlle que lle dese traslado ao comercial institucional de Abanca, proposta remunerar un 2% a partir de un millón de euros e seguen mantendo comisións por determinados servizos, a decisión deste alcalde ante a comparativa foi a de traspasar dous millóns e medio de euros ao Banco Sabadell. A reacción de Abanca non se fixo esperar, pediron unha cita e atendéuselle e basicamente viñeron chorimicar cos mesmos argumentos que me está contando vostede, que pare eles era unha cuestión comprometida porque quedaban abaneando, que lle imos facer, expliqueille a proposta do Sabadell, pedíanme retornara ese fondos, e estar sen retornar porque as condicións son as que son e nada este alcalde ten a porta aberta a que se presenten propostas e escoitalas, é o mercado.

O Concelleiro do BNG, Sr. Xoan Lozao di que está un pouco anonadado co debate, por varias cuestións, a primeira polos datos, o outro día díxonos aquí que iamos ingresar noventa e cinco mil euros por xuros bancarios no Sabadell, unha conta inmediata a 2,25 en torno a catro millón de euros, na última conta xeral son tres millóns trescentos mil euros, non sei onde sae esa cantidade, terían que ser todos e algún máis, a segunda cuestión é a falla de información, eu de feito ía solicitar o contrato do Sabadell e o de Abanca para saber cales son as condicións, a penalización mínima, solicito ese contrato para ver as condicións. Máis aló diso é un contrato viciado porque estamos cegados polos cartos, estamos falando de rendabilidade, de xuros, os cartos do Concello serán para mellorar a vida dos cidadáns non para recaudar, eu entendo que se tes uns fondos e se pode sacar rendabilidade está ben, eso nadie o nega, eso está ben; pero non como argumento principal sacar a



CONCELLO DE TOURO (A CORUÑA)

R.E.L. n.º 01150853 – C.I.F. P-1508600-B – MU 2000/196

maior rendabilidade, sen ter en conta todo o demais, aquí temos unha realidade que é que Abanca é a única que ten sucursal no concello, e temos outra realidade e que Abanca é unha entidade igual que as outras, por desgracia é igual de abusiva que as demais, se tivesemos outra entidade que non fora tan abusiva poderíamos plantexarcelo, pero por desgracias son iguais, pero lóxicamente haberá que primar a entidade que está aquí, iso non quere dicir que non se lle vaia esixir unha rendabilidade. O que non podemos poñer como obxectivo principal obter a máxima rendabilidade posible do diñeiro que temos, nos queremos e solicito esa información incluso se está aberto a todo non terá que esperar a que chegue e preguntar cales son as condicións noutras entidades, pero non se trata de ver a rendabilidade no tipo anual efectivo, senón en canto a se temos uns cartos serán para facer obras, infraestruturas, prestar servizos, para mellorar a vida da xente, facilitarlle os trámites e todos sabemos que se hai unha sucursal os trámites son mellores e iso ten que pesar tamén, tanto como sacarlle un punto básico máis ao diñeiro, pedimos os datos das condicións do Sabadell e de Abanca ou incluso doutras entidades valorar no so pola rendabilidade senón tamén en canto a dispoñibilidade, servizo... imonos abster ata que teñamos esa información unha vez que a teñamos podemos dicir bueno non é unha mala idea, teremos que primar a que está aquí porque todas as entidades son iguais, pero poderíamos ir a Caixa Rural que é unha cooperativa de crédito; vostede dixo o outro día que o diñeiro non estaba nun paraíso fiscal, iso non o pode dicir porque unha vez os cartos están no banco, nós non temos a pista do diñeiro, a pista téñena eles.

O voceiro do PP, Sr. Reboredo agradece que o alcalde lle de leccións sobre a lei de Contratos do Estado e pasa a ler o artigo 25 da Lei de contratos e o 26 apartado segundo

Dígame se seguiron estas normas en canto á preparación e adxudicación. Por outra parte estes informes xurídicos ad hoc, porque este informe xurídico debería estar cando se iniciou o contrato e se xustificou a necesidade do contrato, onde se estableza o procedemento para contratar, supoño que o haberá, hoxe pedín ese expediente pola sede electrónica, quero ver figuran esas negociacións coa oficina de Abanca de Touro, e quero recordarlle unha cousa, non teñen que pasar os bancos pola alcaldía, hai unha cousa que se chama procedemento aberto, onde se saca para facultar a concorrência competitiva a coñecemento de todos os bancos, non nos veña con iso porque é moi difícil de crer, que pasou si, pero que pasou so por iniciativa del... agradézolle que diga que non é cliente, explicaranos de cales son os motivos porque só ao Banco Sabadell se lle de esa oportunidade de presentar unha oferta para retribuír as contas do concello cando o lóxico e normal era ir a un procedemento aberto e se lle de oportunidade a todas as entidades bancarias nos pregos debería figurar unha certa, primar dalgún modo ás entidades que teñen oficina dentro do Concello; sigo mantendo que se saltaron o procedemento establecido non só por ser legal senón por ser lóxico e por moito que se empeñe non creo que os veciños entendan que se leven os fondos do Concello a Bertamiráns, ese un argumento moi difícil de revater, e non sabemos tampouco se Abanca ía ofertar as mesmas condicións ou mellorais incluso, imos a ver se no expediente constan as invitacións, as respostas e todo iso, senón se aclara convenientemente este tema solicitaremos un pleno extraordinario específico para debater este tema, para que saia a luz todos os intrigulis desta contratación, non se pode utilizar a alcaldía como unha oficina particular; hai unha lei estupenda, por moito que me diga que non é de aplicación a lei de contratos por moito que o informe o secretario, si é de aplicación como lle acabo de ler, artigos 25 e 26 da lei 9/2017, entón saltáronse o procedemento dende o punto de vista legal e dende o punto de vista político é impresentable que os cartos dos veciños de Touro se leven a Bertamiráns.

O Alcalde di que respecto do BNG non hai ningunha dúbida de que os fondos do Concello son para invertir en obras e servizos do Concello, en beneficio da veciñanza. A cuestión é que mentres eses fondos existen e non se invisten hai dúas opcións, a de facer o que se fixo ata agora nos últimos trinta anos de deixarllos a unha entidade bancaria a interés cero para que logo negociase ou poñelos a disposición sempre ca libre disposición do Concello e remuneren ao Concello polos intereses. Respecto do PP, primeiro ten que aclararse se o que pretende é que os fondos sexan exclusivos de

Abanca ou despois matiza de ofertar, ten que aclararse de ofertalos aas entidades ou retrinxilos a exclusividade de Abanca.

Por concretarlle ao Bng a veciñanza sabe por primeira vez os saldos que ten o Concello, eu sei que estes datos que se deron o outro día, era unha cuestión tabú, resonaron no PP, de feito a min aquí Abanca chegou cunha actitude á defensiva xustificándome a non retribución durante ese período de dez anos, a min non ten que xustificarme nada, non trato de facer revisionismo, o que si lle chocou a veciñanza e escáldalle ao PP é que en determinado momento a este alcalde Abanca lle ofrezca ese interés directamente unha vez que sabe que ten unha competidora, porque antes non se pagaba e agora si se paga, pasamos dun cero a un dous po cento, por eso se encerella nesas cuestións de como se ten que contratar a conta bancaria, onde eu non sei como se ten que contratar pero os concellos dispoñen de persoal que sabe como se ten que contratar unha conta bancaria, se vostede quere seguir pois en que o informe do secretario-interventor ao respecto do que vostede anuncia que non se seguiu o procedemento correcto e que o informe di que se seguiu o procedemento correcto e se quere seguir nesa discusión eu non entro porque non sei nin me compete.

Nunca pensaron que isto ía xerar tanto debate, de cero intereses a pagalos, días despois dese pleno de abril xa pagou intereses por quince días tres mil e pico euros o que Abanca nunca había feito na historia.

O alcalde referíndose ao voceiro do PP, Sr. Reboredo González di que lle gustaría que se centrase en saber que hai que votar, o que pretenden aprobar non é competencia do Pleno, porque o Pleno non ten competencia para cancelar as contas bancarias e o pleno non ten competencias para que se negocie con Abanca, porque iso xa o fixo como acabo de dicir, ten que aclararse se quere darlle a exclusividade a Abanca ou o que propoñía no debate que se abran as ofertas a interesados.

O Sr. Reboredo González, non imos confundir as competencias de alcaldía coas competencias do Pleno, xa sabemos que a formalización do contrato lle corresponde ao alcalde, o mellor a proposta non é moi afortunada na redacción e sería o mandato a alcaldía para cancelar esa conta e voltar porque consideramos que foi ilegal e volver a situación a que estabamos e despois o lóxico se o alcalde o considera ir a un procedemento aberto e que sexan as entidades bancarias as que ofrezan, primando loxicamente as entidades que teñan oficina no concello, o que pretendemos con esta moción e volver a situación anterior porque para min é absolutamente ilegal o feito aparte que politicamente impresentable. En canto as competencias e funcións do pleno, hai un dito de que quen pode o máis pode o menos, si é o Pleno o que mandata os orzamentos, os ingresos, as ordenanzas loxicamente algo terá que decidir na remuneración dos fondos municipais, iso non está en discusión. Non é certo que nunca Abanca pagara intereses pola conta, a min me consta que non é certo, e outra media verdade ou media mentira só se cobraron comisións nun período moi antigo, e outro tema cantas operacións se van a facer co Sabadell, porque é moi fácil como digo na moción ter os fondos cautivos no Sabadell e despois xestionar todos os ingresos e pagos con Abanca.

Por concretar di o Alcalde, volver á situación de toda a vida a de cero euros, a que sempre houbo, ou a que negociou o alcalde dun 2%, e recibiría en números redondos oitenta mil euros ao ano co saldo actual. A cal quere volver aos cero euros ou aos oitenta mil euros, aclárese.

O Sr. Reboredo di que volver a situación anterior e sacalo a procedemento aberto se realmente o alcalde cree que non está cumprindo Abanca, consideramos que foi ilegal o que fixo o alcalde por eso consideramos que hai que volver á situación anterior, o do procedemento aberto é irrevatible non pode negociar a nivel particular.

Respecto la legalidade, como presentou un recurso de reposición, vaiselle a contestar e vaia con el a onde entenda. Sei que lle doe fundamente.

VOTACIONES:

Procédese a votación da aprobación da referida moción, con cinco votos a favor do PP, cinco en contra dos catro concelleiros de MVXT e PG e a abstención do Concelleiro do BNG.

Ao haber empate, procedeuse a unha segunda votación co mesmo resultado de cinco votos a favor do PP, cinco en contra dos catro concelleiros de MVXT e PG e a abstención do Concelleiro do BNG, polo que resultou rexeitada por mor do voto de calidade do Alcalde.



CONCELLO DE TOURO (A CORUÑA)

R.E.L. n.º 01150853 – C.I.F. P-1508600-B – MU 2000/196

5 ROGOS E PREGUNTAS.

O Sr. Alcalde di que pasa a das resposta as preguntas de anteriores plenos sobre deficiencias en diversas obras, traídas ao pleno de marzo que non se pudo dar resposta no pleno do mes de abril, solicitouse do técnico director de obra Pablo Blanco Ferreiro da empresa Estudio Técnico Gallego, que leva dende tempos inmemoriais exercendo a dirección de obra e a redacción de proxectos neste concello, facendo entrega da solicitude de informes realizada, remitida o 26 de marzo, co seguinte contido

D. Roberto Castro Rocamonde, Alcalde-Presidente do Concello de Touro

EXPÓN:

Que ao abeiro da reunión mantida hai unhas semanas con Pablo Blanco Ferreiro en relación coa execución de diversos proxectos no Concello, en calidade de director de obra, así como sendo coñecedores das cuestións que se refiren a continuación.

SOLICITA: informe sobre:

1.- Estado de destapado e posta a cota da vía das tapas e reixas nas rúas Eduardo Pondal e perpendicular a rúa Castelao en Fonte Díaz, na obra de pavimentado das mesmas, executada no ano 2023.

2.- Estado de destapado e posta a cota da vía das tapas e reixas na obra de pavimentado de A Goleta - A Capela (Loxo) e Goleta – Tribás (Loxo). Obra do Plan de mellora de camiños rurais 2023-2024 Mellora de acceso á Capilla e outro e mellora de camiño en Tribás e outros. (expediente 2023/C003/000002).

3.- Conforme a escrito dirixido a Alcalde de data 15-febreiro-2024, relativo a obra de pavimentado de A Goleta – Tribás (Loxo) (Obra do Plan de mellora de camiños rurais 2023-2024 Mellora de acceso á Capilla e outro e mellora de camiño en Tribás e outros. (expediente 2023/C003/000002) se informe acerca da extensión da actuación de pavimentado sobre propiedade privada (referencia catastral 15086B513006160001WH) e tamén medición da dimensión do ancho pavimentado no treito que discorre no núcleo de Tribás.

4.- Por denuncia no Pleno da Corporación de data 14-marzo-2024 por parte do grupo municipal do Partido Popular, de deficiencias na execución e discrepancias co proxecto na obra Mellora de pista de Circes a Xunqueira (expediente 2022/C003/000007), treito que vai de Circes a Xunqueira, segundo dito grupo municipal “no proxecto constaba a construción de sobreanchos e na práctica non se fixo (1.460 metros cadrados, 25 centímetros de cada lado da pista), cal e a causa da súa inexecución?”; tamén se denuncia que “non se executaron 100 metros de cuneta na entrada de Circes e que constan no proxecto”. Se informe acerca dos feitos que denuncian.

5.- Por denuncia no Pleno da Corporación de data 14-marzo-2024 por parte do grupo municipal do Partido Popular respecto da obra “Pavimentación interior en Mourelas e outros, obra do POS 2022” que di “que houbo subcontratación na obra que lle foi adxudicada a una empresa que tiña todas as garantías e posibilidades para facela, e esta subcontratou cunha empresa de menor categoría”. Se informe acerca desta suposta subcontratación.

6.- Estado no que se atopan os seguintes expedientes

Nº expediente	Título	Contrato
2022/C003/000002	Pavimentación de accesos a Abelenda.	22.03.2023
2022/C003/000003	Mellora de seguridade viaria de Sartes a Calvos de Arriba (Calvos e outros).	22.03.2023
2022/C003/000004	Mellora do viario de límite municipal en Corneda a Quintas por Sanguiniedo e outros.	28.03.2023
2022/C003/000007	Mellora de pista en Circes a Xunqueira.	11.06.2023
2022/C003/000009	Pavimentación de interior en Mourelas e outros.	31.05.2023
2022/C003/000012	Pavimentación de viario de Pena a Mourelas e outros.	11.06.2023

Documento electrónico asinado dixitalmente cuxa integridade garántese mediante cotexo na Sede Electrónica deste Organismo co Código de Verificación Dixital (CVD) especificado á marxe.
(artigo 42.b da Lei 40/2015, de 1 de outubro, de Réxime Xurídico do Sector Público)

2023/C003/000001	Pavimentación de viario en Vilar de Calvos e outros.	15.12.2023
2023/C003/000002	Plan de Mellora de Camiños Rurais 2023-2024.	01.12.2023
2023/C003/000004	Obra de saneamento en Abelenda	Contrato menor
2023/C003/000006	Mellora na rede de abastecemento de Touro.	Contrato menor

O Sr. Alcalde di que a resposta ao respecto a día de hoxe é ningunha.

- O voceiro do PP, Sr. Reboredo González formula as seguintes preguntas:

1. A primeira pregunta era precisamente as deficiencias da obra da pista que vai de Circes a Xunqueira, preguntamos se había emitido informe ao respecto, xa vemos que non pero esa neutralidade do alcalde de solicítase pero non o emite non me serve, terá que requirirille para que o faga, porque o prazo foi máis que suficiente para poder informar ao respecto.

2. Na pista de pavimentación interior de Mourellos e outra, o meu compañeiro Alfredo falaba do tema da subcontratación e, cada vez que imos mirando aparecen novas cousas, estaban previstos un entronques que non está feitos, falamos cento e pico metros cadrados de asfalto, terá que pedirille outro informe a dirección de obra de porque non se fixeron, ase vou a propoñer que de aquí para adiante será mellor que lle pida que faga informe en todas as obras que adxudique o Concello, non nos imos andar inspeccionando que cousas faltan, porque cada un que vemos, vemos que faltan cousas o que resulta sorprendente cando menos.

3. Respecto da obra de mellora de abastecemento na rede de Touro, que conlevou a perda dunha subvención de 36.800,00 euros, por incumprimento dos prazos de execución e xustificación, en que estado se encontra a execución desa obra, porque me imaxino que independentemente dos problemas haberá que pagar o que está feito por aquilo do enriquecemento ilícito das administracións, queremos saber se vai a terminar a obra, se vai a poñer en marcha ou non.

4. Xa preguntamos noutro pleno de quen eran as competencias de obras, contestáronnos que o Sr. Martínez Pereira, e vemos que pleno tras pleno que quen exerce as competencias é o alcalde o Sr. Martínez Pereira non figura nos contratos, nos expedientes de contratación, tampouco da información sobre estas deficiencias, eu entendo que sen ten delegado, a nos danos igual que as exerza o Alcalde que o Sr. Martínez Pereira, pero digo para que quede claro no sucesivo quen ten as competencias na materia.

5. Reconozco que a nós tamén se nos pasou un pouquiño, en abril atopámonos que se suprimiu o festivo local do San Xoan de Touro, repasando a documentación non vin o acordo nin na Xunta de Goberno Local nin a ratificación dese acordo polo Pleno, porque sempre se ratificou en Pleno, cal foi a causa de porque se suprimiu ese festivo local e segundo porque non se procedeu a súa ratificación en Pleno?

O Sr. Alcalde resposta as preguntas do seguinte xeito:

- Respecto das pregunta unha, dous e tres son basicamente rogos, agradezo os deberes para a dirección de obra.

- Respecto da pregunta 4. as competencias de obras son do Sr. Martínez Pereira.

- Respecto da pregunta 5. non é certo o que afirma, non se suprimiu o festivo local do San Xoan de Touro, mativéronse por defecto os mesmos festivos do ano 2023.

O Sr. Reboredo pregunta en base a que, xa que no ano 2023 o San Xoan caía en fin de semana.

O Sr. Alcalde di que as preguntas non teñen réplica, e fai unha primeira chamada a orde ao Sr. Reboredo por interromper, e realiza tamén unha primeira chamada a orde á Concelleira Rebeca Codesido por interromper.

O Sr. Alcalde di que no ano 2024 mativéronse por defecto os mesmos festivos locais do ano 2023, xa que o asesor xurídico daquel momento, secretario-interventor por acumulación que estaba naquel momento, informou de que os festivos locais de non adoptarse un novo acordo mantéñense por defecto os festivos locais do ano anterior, esa é información que se me traslada polo que non houbo nin decreto da alcaldía nin acordo da Xunta de Goberno, e haberá quen coñeza a situación de deficiencias na xestión administrativa diaria daquel momento, durante seis meses dun secretario accidental e durante un ano e medio dun secretario en acumulación, nese contexto, no mes de agosto trasládame se queremos facer unha modificación e que non queden implantados por defecto os



CONCELLO DE TOURO (A CORUÑA)

R.E.L. n.º 01150853 – C.I.F. P-1508600-B – MU 2000/196

festivos do 2023, hai que aprobalos en pleno, e convocar un pleno extraordinario no mes de agosto, e foi unha decisión meramente económica xa que un pleno costa 1.500 euros, e non convocar soamente para esta cuestión de ratificar os festivos locais.

O voceiro do BNG Sr. Xoan Louzao formula as seguintes preguntas:

1. Non BOP do 3 de abril saíu publicada unha concesión subvención para servizos de normalización lingüística nos concellos para creación, mantemento ou reforzo, e o Concello de Touro non aparece como beneficiario porque non o solicitou evidentemente, pregunto porque non o solicitou?

2. No BOP do 29 de abril de 2024 sae unha denegación das axudas para a contratación externa do servizo de atención da oficina de turismo, solicitouse pero non lla deron por non acadar a puntuación mínima, cal é a razón de porque non se alcanzou esa puntuación mínima?

3. Na páxina do facebook aparece que o Concello regala composteiros para compostaxe domiciliaria, pregunta se o concello ten previsto facer algún tipo de programa que vai máis alá de entregar un folleto cos composteiros, un programa de cursos de formación, de seguemento, de como se debe facer o compost correctamente.

4. No mes de xullo pedira que se nos dera o contrato que o concello asinou con rede aberta de estender a fibra polo concello, que non se nos facilitou, non sei cales son as condicións pero o que sei é que en Calvos hai aldeas con postes son dúas redes de fibra pero hai casas que non teñen fibra porque fai falta poñer dous ou tres postes, o que é curioso porque hai postes que chegan dúas liñas de fibra distintas pero casas sen fibra porque non hai postes, a pregunta é que pensa facer o concello para solucionar este problema, se dentro dese contrato con rede aberta entra isto ou senon hai poste se van a poñer, pero a día de hoxe o que non pode é quedar unhas casas sen fibra porque non chegan os postes a ela.

5. Solicitouse unha subvención de mellora de infraestruturas turísticas or importe de 30.000 euros para o acondicionamento do punto de atención turística, onde se vai a facer ese punto e que é o que se vai facer?

6. Por último máis que unha pregunta é unha queixa, o día 17 de maio, Día das Letras Galegas todos os anos hai unha manifestación en Santiago lúdico festiva para poñer en valor o galego ás doce da mañá, non sei de quen foi a feliz idea dese mesmo día a unha da tarde de poñer un concerto da Banda, gustárame que estas cousiñas se tivesen en conta., porque hai moitas horas para facer o concerto.

Rogo: que se arranxe pista da subida que vai ao campo de fútbol.

Este ano non se fixo campaña de captura de velutina reina que se viña facendo, vaise facer unha O Sr. Alcalde resposta as preguntas do seguinte xeito:

1. Para ser máis concreto duolle resposta no seguinte pleno.

2. A falla de puntuación á a carencia de infraestrutura de información turística, non dispón dunha oficina aberta nin tiña activas redes sociais expresamente destinadas a turismo, e aplicación de turismo non está actualizada a pesar de que esa empresa facturaba mantementos periodicamente, a información está obsoleta e sen actualizar e non está descargable. Respecto da páxina turismotouro.com pois estaban as claves baixo a custodia da empresa EVELB o que se fixo para poder poñela activa e que fose puntuable na subvención o alcalde encargou reventar as claves dende o seu ordenador para poder ter acceso a páxina actualizala e poder cargar contidos.

3. Co goberno anterior houbera unha campaña de compostación e o que se esta a facer e repartir o composteiros que estaban amoreados nun almacén e vaise a complementar con información e con algún curso, información en base a formación mediante cursos.

4. Respecto a rede aberta desculpe por no lle ter enviado, foi despiste. Efectivamente están poñendo postes en núcleos onde non os había , quedan moitos núcleos sen postes e o Concello esta dándolle

traslados das demandas, e facilitarlles as autorizacións e permisos dos propietarios para colocar postes, sabemos que nalgún núcleo hai dificultades con algúns propietarios que trataremos de salvar para poder chegar a todas as vivendas o servizo.

5. Vaise facer unha adecuación do local titularidade do concello que durante anos estaba a ser usado de xeito gratuíto pola empresa concesionaria do servizo de abastecemento de auga, pediúselle que no lo deixaran libre e vaise a acondicionar ese local, se ten interés no proxecto en detalle pois envíaselle copia.

Intervén o Concelleiro do PP, D. Alfredo Souto, solicitando facer tres rogos.

O Alcalde resposta dicindo que os presente por escrito, xa que o punto de rogos e preguntas do PP xa foi no seu momento.

Despois de pechada a sesión se quere recóllollo di o Sr. Alcalde.

Non habendo máis asuntos que tratar levante a sesión por orde da Presidencia sendo as 22:40 horas do 9 de maio de 2024.

Como secretario-interventor dou fe e estendo esta acta.

Concello de Touro, na data da sinatura dixital

José López González, secretario-interventor

Roberto Castro Rocamonde, alcalde-presidente